

Nyime noMuyendhi

-  Traditional San story
-  Manyeka Arts Trust
-  Maria M. Dikuua
-  4
-  Mbukushu mhw

Thithimwetwedha thi kwa tangire mumamyaka ghokarekare ogha ghana kapita apa ngayi tunganga yiyama nohanu pofotji. Thiku dhiya hanu mbadi nga ha kara no ghughambero ku mudiro. Nga ha dyanga yidya yawo wishu. Nyime pithendi yodiye gha karire no ngcamu dhomudiro.

Hanu no yiyama ya konganine pofotji ha turithepo dighanano." Yinye shotu kone kutenda tu shimbe mudiro kwa Nyime podigho eshi tu tereke yidya yetu?" He purire. Ghoha tokore ha taterere kate ghuthiku ghoha tangire kwimba nokwimba, kukanda no kukanda, witha yomuhe. " Mwiye no mukine netu. Mwiye no mukine netu.

Yiyama yisha wingi ya shwaghire mumaputa noyi kupakerere noyikine nokwimba. Nyime gha retire tutondo tokutakitha mudiro. Gha tu takire tutondo, kutaka nokutaka. Kapupikamanana kamwithighana kathimutukure kwishi dhoyitondo. Nyime gha fudhire kumwithi no gha turireko muhonyi. Kamudiroghana ka tumbukire no kehe yuno gha retire thikunyi thendi. Kapupikamanana wahe ha tangire kukina ghudhinguruka mudiro.

Kadimba gha karire mashendu no thiyma thokutambuka wanguwangu. Hanu gho ha ghambire kwendi eshi, " Oku atwe kuna kwimba kuno no oku nyime kuna kukina netu, owe ne yende ghu kashimbe tutondo twendi tokutakitha mudiro gho katjire." Kadimba gha tjombore tutondo twaNyime to kutakitha mudiro gho gha katjirire. Mbadi ya mu tombokire yoyishi Nyime ghamu kватире kadimba gho gha kahuthire tutondo twendi tokutakitha mudiro.

Nyime ghembire dimbo dyoku kutanaghura: " Kwange ne mbadi ghukukutu. Ame mbadi na kara no ghukukutu. Kukona ni kudye no ghuhuki ghoye, ame kukona ni kudye ngambi nga mbadiko ghuhuki. Mbadi na kara no ghukukutu. Mwaheya mwe ne mwa yidya yange.



Mapi kukona gha tjire no kuregha wanguwangu. Hanu ghoha mu tongwere eshi, “Oku Nyime kuna kukina no kwimba netu, tjombore tutondo twendi to kutakitha mudiro ghotjire.”

Apa ha kinine nokwimba, Mapi gho gha tjombore tutondo tokutakitha mudiro no kureghera muthipumbu. Ene Nyime gha ghambire eshi, Pashanye na pirera kuyuva putukuputuku ko makondo gho Mapi munyima dchange?"

Nyime gha pirukire no gha monine Mapi kuna katjirerera muyipumbu no yitondo yendi yokutakitha mudiro. Gho gha mu tjidhire Mapi, ghaka mu kwatire no kahuka no tutondo twendi to kutakitha mudiro. Shime karo, Nyime ghembire dimbo dyendi dyoku kutanaghura.

Munyimadhopo hanu gho ha kuhohotere. Gho ha ghambire, "Ninge twipure Dithana. Aye ne mumbiru no kutambuka wangu." "Dithana," ha ghambire, "oku Nyime kuna kukina mo kwimba netu, owe ne tjombore tutondo twendi to kutakitha mudiro gho tjire."

Apa ha kinine ghu kunduruka mudiro, Dithana dya tjombore tutondo twa Nyime to kutakitha mudiro gho gha tjirire mu yipumbu. Ene nyime gha ghambire eshi, "Pashanye na pirera kuyuva Dithana dina kughona no kughonaghura munyima dhange yira pakutanga?" Gha pirukire no gha tjidhire Dithana edi dya tenyangere muyipumbu. Nyime ghaka di kwatire no kahuka kumudiro no tutondo twendi to kutakitha mudiro.

Shime karo, Nyime ghembire dimbo dyendi dyoku kutanaghura. " Kwange ne mbadiko ghukukutu. Ame mbadidi na kara no ghukukutu. Ame kukona ni kudye no ghuhuki ghoye, ame kukona ni kudye ngambinga mbadiko ghuhuki. Ame mbadidi na kara noghukukutu. Mwaheya mwa yidya yange.

"Oh," ndani hana kaghayara hanu, "Thiyama munye sho thi tuvatere popano?" Mwe yo ghakara no maghuru ghomare thikuma kupiterera, ninge tu mwipure. " Ha tzwathanithire dighano dyagho kwa Mwe nopo ruvedhe gho gha tjombore tutondo twa Nyime tokutakitha mudiro.

Nyime gha ghambire, " pashanye na piri kuyuva karo
diywi dyoMwe dyokukugherera munyima dchange?
Gha thetaghukire, kokumona Mwe gho gha mu
tjidhire.

Munyima dho ruvedhe rorure, Nyime ghaka hukire no rupara ro kughaya, yoyishi Mwe gha tjirire thikuma kupidana ye. "Kutunda odyo diyuwa no dyarero dino," gha ghambire, "mbadi mboni pomokitha no ghofotji temba ghopakatji kenu. Ñanyi mboni mushane nokumutjidhatjidha nokumudya!" Dyoya yenda kate Nyime gha kakare munyathi wawa heya no dyo ha wahine hanu ngcamu dho mudiro.



Global Storybooks

globalstorybooks.net

Nyime noMuyendhi

- ✎ Traditional San story
- ☒ Manyeka Arts Trust
- ♫ Maria M. Dikuua

